

Ho Iketsa Molimo



SABATHA THAPAMA

Bakeng sa Thuto ea Beke ena Bala:

Esa.13, Esa. 13:2–22, Esa. 14, Esa.s 24–27.

Temana ea Khopolo:

“‘Bonang, ke oona Molimo oa rōna, oo re o tšepileng hoba o tla re boloka; ke eena Jehova eo re mo tšepileng; a re nyakalleng, re thabele topollo ea hae’” (Esaia 25:9).

Ka mora hore moruti a rute thuto e matla ka boikhohomoso, mosali ea neng a utloile thero a mo emela le ho mo bolella hore makikutlo a hae a ne a farasitse haholo kelellong, 'me o lakatsa ho ipolela sebe se sehlo. Moruti a botsa hore na e be sebe seo ke sefe.

“A araba, ‘Sebe sa boikhantšo, hobane ke lutse hora kaofela ka pela seipone ka matsatsi a fetileng ke bohile botle ba ka.’ “‘Oh,’ ho araba moruti, ‘hoo e ne e se sebe sa boikhantšo—seno e ne e le sebe sa menahano!’” —C. E. Macartney, compiled by Paul Lee Tan, p. 1100.

Ha e sa le sebe se ba teng pelong ea lengeloi le phahameng, boikhantšo ha bo na moeli (ho batho kapa mangeloi). Ha ho moo bothata bona bo fetelletseng ho feta ho bao ba nang le boikhantšo ba semoea, semelo se masoabi ke ho bola ha hore pholoho ba ka e thola fela ka mesebetsi ea e mong bakeng sa bona.

Bekeng ena, hara lintho tse ling, re tla ke re shebe mohloli oa boikhantšo le boiphahamiso, libe tse peli tsa pele.

**Ihute Thuto ea Beke ena ho lokisetsa Sabathasa le 6, Tlhakola.*

Timelo ea Lichaba (Esaiah 13)

Esaia 13:1 ena le sehloho se bolelang ha Esaia e le eena sengoli (bapisa Esa. 1:1, Esa. 2:1); e bonahala hape e qala karolo e ncha ea buka. Likhaolo tsa 13–23 e fupere likahlolo khahlanong le lichaba tse ’maloa. Ha re ke re shebe.

Hobaneng boporofeta khahlanong le lichaba bo qala ka Babylona?

Esaia 10:5–34 e se e phatlalalitse kahlolo malebana le Assiria, e neng e le eona e kotsi haholo nakong ea Esaia. Leha Esaia 14:24–27 ka bokhutšoanyane e pheta morero oa Molimooa ho roba Assiria, likhaolo tsa 13–23 li shebane le litšoso tse ling, Babylona e leng ka sehlohong.

E apesitsoe ka moruo, moetlo, bolumeli, le polotiki, Babylona ha morao e ile ea hlahella e le mampoli ea ileng a hlopa le ho isa ba-Juda kholehong. Empa ka chebo ea botho ba nakong ea Esaia, ho ne ho sa bonahale hore Babylona e ka tšosa sechaba sa Molimo. Boholong ba bosebeletsi ba Esaia, Assiria e ne e hateletse Babylona. Ho tloha ka 728 B.C., ha Tiglathe-pilesere III a hapa Babylona le ho phatlalatsoa e le morena oa Babylona tlasa lebitso la terone la Pule (kapa Pul; sheba 2 Marena 15:19, 1 Likron. 5:26), Marena a Assiria a ile a hapa Babylona ka makhetlo a ’maloa (710 B.C., 702 B.C., 689 B.C., le 648 B.C.). Babylona, leha ho le joalo, qetellong e tla ba matla a mahalo tikolohong eo, matla ao ka oona a tla senya matla a ’muso oa Judea.

Bala Esaia 13. Hlokomela hore ke puo e matla ha kae. Hobaneng Molimo ea lerato a ka etsa lintho tse tjee, kapa a lumella lintho tse tjee ho etsahala? Ruri batho ba se nang molato ba tlo utloa bohloko, na ha ho joalo (Esa. 13:16)? Re utloisisa joang ketso ka Molimo? Iitemana tsee le itemana tsohle tse ka Bibeleng tse buang ka khalefo le bohale ba Molimo khahlanong le sebe le bokhopo, li re bolella eng ka bobo ba sebe le bokhopo? Na ha se taba e lekaneng ho re Molimo ea lerato a ka arabela joalo e be bopaki bo lekaneng ho re bontša hore na sebe se sebe ha kae? Re lokela ho hopola hore ke Jesu ea buang litlhokomeliso tsena ka Esaia, eena Jesu ea ileng a tšoarela, le ho folisa, le ho qeka, le ho khothaletsa baetsalibe ho baka. Ka kelellong ea hao, ke joang u utloisisang taba ee ea semelo sa Molimo o lerato? Ipotse potso ena: Na bohale bo bo ka se tsoe leratong? Ha ho le joalo, ke joang? Kapa, e shebe ka leihlo le leng, la sefapano, moo Jesu ka sebele, a jere libe tsa lefatše, a utloa bohloko ho feta mang kapa mang ea kileng a utloa bohloko, ho kenyeletsa le bona bao ba “senang molato” ba ileng ba hlokofala ka lebaka la libe tsa sechaba. Ke joang utloa bohloko ha Krete sefapanong ho re thusang ho araba lipotso tsee tse thata?

Motso o Moholo oa Babylona o Shoeleng (Esa. 13:2–22)

Ka 626 B.C.mo-Kalde Nabopolassare o ile a khutlisa khanya ea Babylona ka ho iketsa morena Babylona, moo a ileng a qala puso ea borena ea Babylona, a ikopantse le (ba mede) ho hlola Assiria. Mora oa hae, Nebuchadnezare II, e ne e le morena ea ileng a hlola le ho isa Juda kholehong.

Ke joang motse oa Babylona o ileng oa fihla qetellong? Sheba Dan 5.

Ka 539 B.C., ha Cyruse oa Persia a hapela Babylona'muso oa Medo-Persia (sheba Daniele 5), motse o ile oa lahlehela ke boipuso ba oona ka ho sa-feleng. Ka 482 B.C., Xerxes I ha bohloko fela a kokobetsa lequloana la Babylona le neng le ipelaetsa ka puso ea Persia. A tlosa setšoantšo sa Marduke, molimo e moholo, le ho senya tse ling tsa liqhobosheane le litempele. Alexandere e moholo o ile a nka Babylona ho tsoa ho ba-Persia ka 331 B.C. ntle le nto. Leha toro ea hae e ile phela ea nako e khutšoanyane ea ho etsa Babylona motse-moholo oa hae ka bochabela, motse o ile oa theoha boemong makholo a lilemo ka mora moo. Ka 198 A.D. mo-Roma, Septimuse Severuse, o ile a fumana Babylona e se e hlile e hloka baahi. Ka hona, motse o moholo o ile oa fihla qetellong ka ho siuoa ke baahi. Kajeno batho ba bang ba Iraqba lula likarolong tse ling tsa motse ona oa khale, empa ha ba so tsose motse ha kaalo.

Kotlo ea Babylona, e hlalositsoeng ho Esaia 13, e lopolla litloholo tsa Jakobo, tse neng li hateletsoe ke Babylona (Esa. 14:1–3). Ketsahalo e phethetseng sena e bile tlhoho ea Babylona ka Cyruseka 539 B.C. leha a sa ka a senya motse, ena e bile qaleho ea qetello ea Babylona, 'me ha ea hlotse e bile tšoso ho batho ba Molimo. Esaia 13 e etsa tšoantšiso ea ho oa ha Babylona le kahlolo ea leholimo. Bahlabani ba nkang motse ke baromuo ba Molimo (Esa. 13:2–5). Nako ea kahlolo e bitsoa “letsatsi la Morena” (Esa. 13:6, 9), 'me khalefo ea Molimo e matla hoo e amang linaleli, le letsatsi, le khoeli, le maholimo, le lefatše (Esa. 13:10, 13). Bapisa Baahloli 5, moo pina ea Debora le Barake e hlalosang Morena e le ea tsoileng ka tšisinyeho ea lefatše le ka pula e tsoang leholimong (Baahl. 5:4). Baahloli 5:20, 21 e bontša metheo ea tlhaho, ho kenyeletsa linaleli, li loana khahlanong le bahlapetsi ba sele.

Nahana motho e mong a phelang Babylonanakang ea khanya ea eona a bala mantsoe ana a Esaia 13, haholo-holo Esaia 13:19–22. A ne a tla utloahala e le booaatla le ntho e sieo ha ka kang! Ke boporofeta bofe bo bong, bo so phethahale, bo bonahalang e le chaba se hole ha joale? Hobaneng re ka ba maoatla, leha ho le joalo, ho bo lahla ka hore ha se ntho e ka etsahalang?

Ho Oela ha Thaba eo e leng “Morena” (Esaia 14)

E le karabelo ea ho oela ha Babylona (Esaia 13), ho lokollang sechaba sa Molimo (Esa. 14:1–3), Esaia 14:4–23 e bua mantsoe a bakisang a papiso (shebahape Mik. 2:4, Hab. 2:6) khahlanong le morena oa Babylona. Ke thothokiso, e sa rerehoang ho nkoa e le joalo, haholo, haholo ha e bontša marena a shoeleng a lumelisa a macha tikolohong ea lefu (Esa. 14:9, 10), moo tšoele le liboko li ipatang teng (Esa. 14:11). Ona ke mokhoa oo Morena Molimo a bolellang morena enoa ea ikhohomosang hore o tla kokobetsoa, joalo ka marena a ikakasang a tlileng pele—ha se thuto ka boemo ba bafu!

Ke joang Esaia 14:12–14 e buang ka morena oa Babylona?

Marena a Babylona ha a ka haelloa ke ho ikakasa (Daniele 4, 5). Empa ho batla ho “joalo ka Mookameli ea Phahameng” (Esa. 14:14) ho ka ba ka holimo le ho bo ikakaso bohle. Ha Marenaa ne a bolela hore a na le likamano le melimo, ba ne ba le tlasa taolo ea eona. Sena se ile sa bonahatsoa selemo le selemo ka letsatsi la bohllano la selemo sa Babylona, moo morena a neng a lebelletsoe ho tlosa lesale la hae la borena pele a atamela setšoantšo sa Mardukee le hore borena ba hae bo tle bo tiisoe. Taba ea ho nyelisa esita le molimo o nkoang o le monyenane e ne e shejoa e le bohllanya le ho ipolaea ka matsoho. Joalo ka Esaia 14, Ezekiele 28 e bua ka boikakaso boamang leholimo ka ’musi oa nahana. Mona hape, tlhaloso e fetisa ea morena oa lefatše, ’me ho kena-kenana le Molimoe ba khubu ea taba: ’musi enoa ea ikakasang o ne a le serapeng sa Edene, e ne e le motlotsuoa, mosireletsi, kerobime thabeng e halalelang ea Molimo, o ne a phethehile ho tloha mohla a neng a boptjoa ho fihlela sebe se fumanoa ho eena, o lahleloa ntle ke Molimo, eo qetellong a tla felisoa ka mollo (Ezek. 28:12–18). Ha tlhaloso ena e behoa motho fela ka ha puo e sebelisitsoeng mona e na le morethetho oa papiso, e ka se etse kelello. Empa Tšenolo 12:7–9 e bua ka sebopuoa se matla se ileng sa lelekoa leholimong le mangeloi a sona: “Satane, mothetsi oa lefatše lohle” (Tšen. 12:9), ea thetsitseng Eva Edene (Genese 3). Satane o na le khopolo e iphahamisang: “. . . o itse, ’ke molimo; ke lutse setulong sa melimo, holima leoatle,’ empa o le motho ea shoang, e seng molimo” (Ezek. 28:2). Lefu la hae le tla paka hore ha se molimo. Ho fapana le Kreste, Satane o tla timela khanareng ea mollo (Tšen. 20:10), a se hlola a tšoenya lefatše hape.

Bapisa Esaia 14:13, 14 le le Mattheu 11:29, John 13:5, le Ba-Filipi 2:5–8. Phapano ee e re bolella eng ka semelo sa Molimo khahlanong le semelo sa Satane? Phapano ee e re bolella eng ka moo Molimo a shebang boikakaso, boikhohomoso, le takatso ea ho ba ea hlhelletseng?

Heke ea Leholimo (Esaia 13, 14)

Ho Esaia 14 likobiso malebana le Satane, “naleli ea meso (ka KJV, “Lucifer”), mor’a mafube” (Esa. 14:12) e kopantse puong ea ho kobisa morena oa Babylona. Hobaneng? Bapisa Tšenolo 12:1–9, moo drakone e hlalosoang e le Satane (Tšen. 12:9) e lekang ho bolaea ngoana hang ho ba a hlahe. Ho Tšenolo 12:5 ngoana ho hlakile hore ke Kreste. Empa e ne e le Morena Heroda ea lekileng ho bolaea Jesu e sa le ngoana (Mattheu 2). Drakone ke Satane le ’muso oa Roma o emetsoeng ke Heroda, hobane Satane o sebetsa ka lisebelisoa tse batho. Ka tsela e tšoanang, Satane e ne e le matla a ka mora morena oa Babylona le khosana ea Tyre.

Hobaneng “Babylona” ha morao ho buuo a ka eona e le Roma (1 Pet. 5:13) le matla a khopo bukeng ea Tšenolo (Tšen. 14:8; 16:19; Tšen. 17:5; Tšen. 18:2, 10, 21)?

Joalo ka Babylona ea mehleng, Roma le “Babylona” ea Tšenololi ea ikhantša, ke matla a khopo a se nang mohau ho hatella batho ba Molimo. Sheba haholo Tšenolo 17:6, hobane “e tahliloe ke mali a bahalaleli”. Bakoenehela Molimo, e leng taba e ipatileng lebitsong lena “Babylona” ka bo lona. Ka puo ea Babylona, lebitso lena ke babili, le bolelang: “khorō ea molimo,” ho supa sebakeng sa ho fihlela bophahamo ba leholimo. Bapisa le Genese 11, moo batho ba hahang tora ea Babele (Babylona) e le hore ka matla a bona ba ka phahama ho ea fihla holimo moo ba ke keng ba ba boikarabellong ho Molimo. Ha Jakobo a tsoha torong ea hae eo a boneng leri e hokanyang leholimo le lefatše, eaba o re: “N’galo ena e tšabeha hakakang! Mona ke ntlo ea Molimo, ke khorō ea leholimo!” (Gen. 28:17). Hlokomela hore “ntlo ea Molimo” ke “khorō ea leholimo”; ke hore, ke tsela ho kena mabaleng a leholimo. Jakobo o ile a bitsa sebaka seo “Bethel,” ho bolelang “ntlo ea Molimo.” “Khorō ea leholimo” Bethel le “khorō ea molimo” Babylona ke litsela tse peli tse furallaneng ho fihlela mabala leholimo. Leri ea Jakobo e ne e qala leholimong, e senoloa ho tsoa holimo ke Molimo. Empa Babylona, ka litora tsa eona le litempele, e ne e hahuoa ke batho ho tloha fatše ho ea holimo. Litsela tsena tse arohaneng li emela litsela tse furallaneng ho ea pholohong: e thehiloeng ke leholimo khahlanong le e thehiloeng ka mesebetsi ea batho. Bolumeli bohle ba ’nete motheo oa bona ke Bethel: “Hobane le bolokehile ke mohau” (Ba-Efes. 2:8, 9). “Bolumeli” bohle ba bohata, ho kenyeletsa ho batla pholoho ka ho boloka molao, le bolumeli ba hore batho ba ka fihlela kholiseho semoeeng ntle le molimo, bo itšetlehile ho boikhantšo ba Babylona. Bakeng sa khohlano ea katamelo tsena tse peli sheba setšoantšo sa Jesu a mofarisi le molekhetso (Luka 18:9–14).

Le ka mor’a lilemo tse ’maloa Zen monastery, sengoli sa lipina Leonard Cohen o ile a bolella moqolotsi, “Ha kea pholoha.” Boemong ba thuto ea kajeno, nahana hore bothata ba hae ke bofe? O ne a hloka ho tseba eng ka pholoho?

Thlolo ea ho Qetela ea Sione (Esaia 24–27)

Ka mora boporofeta ba likotlo tsa linaha ka bo 'ngoe ho Esaia 13–23, Esaia 24–27 e hlalosa ka tsela e pharaletseng sehlobo-hlobo sa thlolo ea lira Molimo le topollo ea sechaba sa hae.

Hobaneng tlhaloso ea Esaia ea bofelo ba lefatše (Esaia 24) ho shebahala tlhaloso ea Johanne ea liketsahalo tse hokahanang le lilemo tse sekete tse latelang ho khutla ha Jesu la bobeli (Tšenolo 20)?

Joalo ka ha ho Esaia 13–14, limelo tsa Babylona li ka bonoa matleng a ileng a latela ka mora eona, 'me “morena oa Babylona” o emela pherekano ea baetapele ba batho ka tšusumetso ea e mobe ka mora bona, Satane ka sebele. Ka hona, molaetsa oa hore Babylona e oele (Esa. 21:9) e ka phetsoa nakong e tlang (Tšen. 14:8, Tšen. 18:2), 'me Satane qetellong o tla timetsoa ka mora ho khutla ho labobeli ha Krete (Tšen. 20:10). Leha ho timetsoa ha Babylona e bile “letsatsi la Morena” la kahlolo (Esa. 13:6, 9), “letsatsi le leng le tšabehang la Morena” (Joel 2:31, Mal. 4:5, bapisa Zak. 1:7) le tseleng.

Ka tsela e tsoanang, ho Esaia 24 pono ea moporofeta e fihlela maemo ao a tloaelaneng le oona ho isa nakong eo “khoeli e tla rothofala, letsatsi le soabe, hobane Jehova o busa thabeng ea Sione le Jerusalema” (Esa. 24:23). Esaia ntle le tika-tiko o ne a nahana hore pono e amana le Jerusalema eo a e tsebang, empa buka ea Tšenoloe hlalosa hore hantle e tla phethahala Jerusalema e mocha (Tšen. 21:2). “Motse ha o na ho bonesoa ke letsatsi le khoeli; hobane o bonesoa ke khanya ea Molimo, 'me Konyana le lebone la oona” (Tšen. 21:23).

Na ruri Molimo o tla timetsa bakhopo?

Sheba Esaia 28:21, moo mosebetsi oa Molimo oa ho timetsa e leng ketso e “mohlolo”. Ke mohlolo ho eena, hobane ha a batle ho e etsa, empa leha ho joalo, ke ketso kapa khato. Ke 'nete hore sebe se nkile peo ea ho itematsa (Jakobo 1:15). Empa ka ha Molimo o na le matla a sa sitoeng ke lethoholima bophelo le lefu, 'me o laola nako, le sebaka le mokhoa oa tšenyoo ea ho qetela (Tšenolo 20), ha ho etse kelello ho etsa Khang ea hore o qetellong o felisa sebe ka 'moho, ka ho lumella hore se iphelle ka bo sona.

Seo re se bonang ho Esaia 24–27 ke seo re se bonang ka hare ho Bible eohle, e leng hore, ho sa tsotellehe bohloko, le bofela bo teng ha joale, qetellong Molimo le molemo oa hae li tla hlola bakhopo. Ke eng joale, eo reka e etsang ha e-ba re batla ho ba karolo ea thlolo ea ho qetela? Liprov. 3:5–7, Ba-Roma 10:9.

Ho Ithuta Haholoanyane:

“Potso e tla hlaha, ‘Ke joang’? Na ke ka maemo re amohelang pholoho? — Ha se ka maemo re ka tlang ho Kreste. ‘Me ha e ba re tla ho Kreste, lipheho ke life? Lipheho ke hore ka phela tumelo re amohela ka botlalo le ka phethala matla le bohloeki ba mali a mopholosi ea thakhisisoeng le ea tsohileng. Ha re etsa joalo, re etsa mesebetsi ea ho loka. Empa ha Molimo a bitsa moetsalibe lefatšeng la rōna, le ho mo mema, ha ho lipheho moo; o atamela ka memo ea Kreste, joale u lokela ho arabela e le hore u tle ho Molimo. Moetsalibe oa tla, ‘me ha a tla le ho talima Kreste ea phahamisitsoeng sefapanong seo sa Kholekhotla, seo Molimo a se tlišetsang kelellong ea hae, ho ba le lerato le fetisang sohle se ka fihleloang ke kelello ea motho.”—Ellen G. White, *Manuscript Releases*, vol. 6, p. 32.

Lipotso tsa Puisano:

1. Sheba qotsulo e ka holimo ho tsoa ho Ellen G. White; e bale ka kutloisiso ea thuto ea Laboraro. O re bolella eng mo? Hlokemela polelong ea hae likarolo tse peli tsa leeto la mokreste: tumelo le mesebetsi. O etsa phapano joang mahareng a tsona?
2. Hobaneng boikhantšo le boikhohomoso e le libe tse kotsi ha kaalo? Hobaneng ho le thata ho li tlohela? Na e ka ba ke hobane ka semelo sa tsona li fofatsa batho ho bona bohloki ba bona ba ho li tlohela? Ha e hantle, ha u na le boikhohomoso, u nahana hore u berete, ‘me ha u nahana hore u betere, hobaneng u lokela ho fetoha? Ke joang ho lula sefapanong le seo se se bolelang (mokhoa fela oa ho pholosa mang kapa mang) e leng sehlare se seholo ho folisa boikhantšo le boikhohoso ho mang kapa mang?
3. Na Esaia o bona tšepo bakeng sa lichaba tse ling? Sheba, ka mohlala, Esa.25:3, 6; Esa.26:9 (bapisa Tšen. 19:9).

Kakaretso: Esaia o ile a bona hore mor’a Assiria, Babylona e tla hlola Juda. Empa hape o ile a bona hore leha babusi ba ka holimo ho matla botho e leng a lefifi la lefatše (Ba-Efe. 6:12) ho sebelisa batho bao e leng lira ho Molimo le nka sebaka sa Molimo, Morena o tla hlola ka ho fetisa le ho tliša khotso ka ho sa feleng lefatšeng la rōna.